



পররাষ্ট্র মন্ত্রী
FOREIGN MINISTER

بِسْمِ اللَّهِ الرَّحْمَنِ الرَّحِيمِ



GOVERNMENT OF THE
PEOPLE'S REPUBLIC OF BANGLADESH
DHAKA

বাণী

২৬ মার্চ ২০২৪

আজ ২৬শে মার্চ, মহান স্বাধীনতা ও জাতীয় দিবস। স্বাধীনতা দিবসের এ শুভলগ্নে দেশে ও বিদেশে অবস্থানরত সকল বাংলাদেশিকে জানাই আন্তরিক শুভেচ্ছা ও অভিনন্দন।

ঐতিহাসিক এই দিনে আমি গভীর শ্রদ্ধায় স্মরণ করছি সর্বকালের সর্বশ্রেষ্ঠ বাঙালি, স্বাধীনতার মহান স্থপতি, জাতির পিতা বঙ্গবন্ধু শেখ মুজিবুর রহমানকে যাঁর দুরদর্শী, সাহসী ও ঐন্দ্রজালিক নেতৃত্বে বাঙালি জাতি পরাধীনতার শৃঙ্খল ভেঙে ছিনিয়ে এনেছিল স্বাধীনতার রক্তিম সূর্য। আমি পরম শ্রদ্ধার সাথে স্মরণ করছি আমাদের স্বাধীনতা যুদ্ধের ৩০ লাখ শহিদসহ সকল মুক্তিযোদ্ধাদের যাদের সর্বোচ্চ আত্মত্যাগের বিনিময়ে আমরা পেয়েছি একটি স্বাধীন বাসভূমি। কৃতজ্ঞতা জানাই কূটনৈতিক কোরের সদস্যদের যাঁরা মুক্তিযুদ্ধকালে ও যুদ্ধ পরবর্তীতে বিশ্ব সম্প্রদায়ের নৈতিক সমর্থন এবং আর্থিক ও সামরিক সহায়তা লাভে অত্যন্ত গুরুত্বপূর্ণ ভূমিকা রেখেছিলেন।

সুদীর্ঘ মুক্তি সংগ্রামের মধ্য দিয়ে বাঙালি জাতির স্বাধীনতা অর্জনে অবিসংবাদিত মহান নেতা বঙ্গবন্ধুর হাত ধরেই এদেশে উন্নয়নের বীজ রোপিত হয়েছিল। মুক্তিযুদ্ধে প্রায় সম্পূর্ণরূপে ধ্বংসপ্রাপ্ত এবং অর্থনীতিতে পশ্চাৎপদ বাংলাদেশের নেতৃত্ব গ্রহণ করেন। মাত্র সাড়ে তিন বছরে জাতির পিতা যখন যুদ্ধবিধ্বস্ত বাংলাদেশের পুনর্বাসন ও পুনর্গঠনের কাজ সম্পন্ন করেন, ঠিক সেই সময় দেশ ও জাতির শত্রু কতিপয় কুচক্রী তাঁকে হত্যা করে দেশের অগ্রগতিকে রুদ্ধ করার ঘৃণ্য পদক্ষেপ নেয়। ষড়যন্ত্রকারীদের চক্রান্তে দেশের অগ্রযাত্রা সাময়িক ব্যাহত হলেও বঙ্গবন্ধুর সুযোগ্য কন্যা দেশরত্ন শেখ হাসিনার নেতৃত্বে বাংলাদেশ আজ বিশ্বে 'উন্নয়নের রোল মডেল' হিসেবে স্বীকৃতি পেয়েছে। জননেত্রী শেখ হাসিনা প্রদত্ত চেতনা 'স্মার্ট বাংলাদেশ' বিনির্মাণে আমি প্রবাসী বাংলাদেশীদের সক্রিয় অংশগ্রহণ ও সার্বিক সহযোগিতা কামনা করছি।

আন্তর্জাতিক পরিমণ্ডলে জাতীয় স্বার্থ সংরক্ষণ ও দেশের ভাবমূর্তি সম্মুন্ন করতে প্রবাসী জনগণের সাথে পররাষ্ট্র মন্ত্রণালয় ও বিদেশস্থ মিশনসমূহের নিবেদিতপ্রাণ যে সমস্ত কর্মকর্তা ও কর্মচারী কাজ করছেন তাদের জন্য রইল স্বাধীনতা ও জাতীয় দিবসের শুভেচ্ছা।

মুক্তিযুদ্ধের চেতনায় উদ্বুদ্ধ হয়ে আমরা সকলে ঐক্যবদ্ধভাবে বঙ্গবন্ধুর সোনার বাংলা বিনির্মাণে নিজ নিজ অবস্থান থেকে কাজ করে যাবো- আজকের দিনে এই হোক আমাদের অঙ্গীকার।

জয় বাংলা, জয় বঙ্গবন্ধু,
বাংলাদেশ চিরজীবী হোক।

(ড. হাছান মাহমুদ, এমপি)